

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 128. sjednici, održanoj dana 04.11.2021. godine, d o n o s i

ODLUKU

o izradi Strategije za prevenciju i borbu protiv korupcije Zeničko-dobojskog kantona za period 2022-2026.

Član 1.

(Predmet)

(1) Pokreće se proces izrade Strategije za prevenciju i borbu protiv korupcije Zeničko-dobojskog kantona za period 2022-2026.

(2) Strategija za prevenciju i borbu protiv korupcije Zeničko-dobojskog kantona za period 2022-2026. je sektorski strateški dokument Zeničko-dobojskog kantona koji definira javne politike i usmjerava prevenciju i borbu protiv korupcije u institucijama Zeničko-dobojskog kantona i jedinicama lokalne samouprave, te zacrtanim strateškim ciljevima i prioritetima predstavlja smjernice u oblasti prevencije i borbe protiv korupcije.

(3) Strategijom za prevenciju i borbu protiv korupcije Zeničko-dobojskog kantona za period 2022-2026. se utvrđuju ciljevi i prioriteti prevencije i borbe protiv korupcije, način njihovog ostvarivanja, institucionalni okvir za provedbu, praćenje, evaluaciju i izvještavanje.

Član 2.

(Principi)

(1) U procesu izrade Strategije za prevenciju i borbu protiv korupcije Zeničko-dobojskog kantona za period 2022-2026. primjenjivat će se principi izrade strateških dokumenata, prvenstveno otvoreni metod koordinacije, partnerstvo, ravnopravnost spolova i jednake mogućnosti za sve građane i javnost i transparentnost.

(2) Vertikalna i horizontalna koordinacija će se provoditi u skladu sa članom 6. Uredbe o izradi strateških dokumenata u Federaciji Bosne i Hercegovine.

Član 3.

(Nosilac i učesnici izrade)

(1) Nosilac izrade Strategije za prevenciju i borbu protiv korupcije Zeničko-dobojskog kantona za period 2022-2026. je Tim Vlade Zeničko-dobojskog kantona za prevenciju i borbu protiv korupcije.

(2) Institucionalni okvir za tehničku, stručnu podršku u koordinaciji procesa izrade Strategije za prevenciju i borbu protiv korupcije Zeničko-dobojskog kantona za period 2022-2026. čini Ministarstvo za pravosuđe i upravu Zeničko-dobojskog kantona.

(3) Učesnici u procesu izrade izrade Strategije za prevenciju i borbu protiv korupcije Zeničko-dobojskog kantona za period 2022-2026. su kantonalna ministarstva i druga tijela kantonalne uprave, institucije i ustanove kojima je osnivač Zeničko-dobojski kanton, ili se u cjelini ili djelimično finansiraju iz Budžeta ZDK, jedinice lokalne samouprave u ZDK, Vijeće za razvojno planiranje i upravljanje razvojem u ZDK, organizacije civilnog društva te ostali socio-ekonomski partneri.

(4) Tokom izrade Strategije za prevenciju i borbu protiv korupcije Zeničko-dobojskog kantona za period 2022-2026. po potrebi će se formirati partnerske grupe za učešće u izradi Strategije, kojim se osigurava uključivanje učesnika iz stava (3) ovog člana u svim fazama procesa izrade, u koja će biti delegirani rukovodioci, sekretari ministarstava i drugih organa i institucija ili službenici koji posjeduju potrebna znanja o predmetnoj materiji, a u jedinicama lokalne samouprave rukovodeći državni službenici (pomoćnici gradonačelnika/načelnika).

Član 4.
(Proces izrade)

Proces izrade Strategije za prevenciju i borbu protiv korupcije Zeničko-dobojskog kantona za period 2022-2026. odvija se temeljem nacрта sljedećih dokumenata:

- a) strateške platforme koja obuhvata određivanje vizije i strateških ciljeva,
- b) identificiranih prioriteta i mjera,
- c) identificiranih strateških projekata,
- d) definiranog načina provođenja, praćenja, izvještavanja i evaluacije strateških dokumenata;

a odvijat će se po sljedećim fazama:

- a) provjera međusobne usklađenosti strateških dokumenata,
- b) izrada indikativnog finansijskog okvira za implementaciju strateških dokumenata,
- c) usvajanje strateških dokumenata uz prethodno provođenje procesa konsultacija.

Član 5.
(Rok)

Rok za izradu Strategije za prevenciju i borbu protiv korupcije Zeničko-dobojskog kantona za period 2022-2026. je 6 (šest) mjeseci od dana stupanja na snagu ove odluke.

Član 6.
(Obezbjeđenje sredstava)

Sredstva potrebna za izradu Strategije za prevenciju i borbu protiv korupcije Zeničko-dobojskog kantona za period 2022-2026. će se osigurati u budžetu:

- Ministarstva za pravosuđe i upravu,
- Stručne službe za razvoj i međunarodne projekte,
- donatorskih sredstava.

Član 7.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Broj: 02-04-14727/21

Datum, 04.11.2021. godine

Zenica

Mirnes Bašić

DOSTAVLJENO:

1x Ministarstvo za pravosuđe i upravu,

1x Tim Vlade Zeničko-dobojskog kantona

za prevenciju i borbu protiv korupcije,

1x Svim ministarstvima i drugim tijelima kantonalne uprave,

1x Svim institucijama Zeničko-dobojskog kantona, putem resornih ministarstava,

1x svim jedinicama lokalne samouprave, putem Ministarstva,

1x Vijeće za razvojno planiranje i upravljanje razvojem u

Zeničko-dobojskom kantonu, putem Ministarstva,

1x „Službene novine Zeničko-dobojskog kantona“,

1x a/a.